

AUGLÝSING

um verðjöfnun vegna útflutnings sjávarafurða í aprílmánuði 1993.

Samkvæmt 6. gr. laga nr. 39, 15. maí 1990, um Verðjöfnunarsjóð sjávarútvegsins, hefur hlutfall af andvirði sjávarafurða sem inn- og útgreiðslur skulu miðast við vegna útflutnings í aprílmánuði 1993 verið ákveðið sem hér segir:

- | | |
|--------------------------|----------------|
| 1. Skreið | Útborgun 4,0% |
| 2. Hörpudiskur | Útborgun 12,8% |

Ofangreindar útborganir eru af reikningum deilda fyrir viðkomandi afurðir úr Verðjöfnunarsjóði fiskiðnaðarins. Reynist innstæða ofangreindra reikninga ekki hrökkva til greiðslu ákvarðaðs útborgunarhlutfalls vegna útflutnings viðkomandi afurða í aprílmánuði, skal lækka útborgun hlutfallslega.

Auglýsing þessi öðlast þegar gildi.

Sjávarútvegsráðuneytið, 23. mars 1993.

Þorsteinn Pálsson.

Kristján Skarphéðinsson.

10. mars 1993

Nr. 127

SKIPULAGSSKRÁ

Visindasjóðs Gigtarfélags Íslands

1. gr.

Sjóðurinn heitir Vísindasjóður Gigtarfélags Íslands. Heimili hans og varnarþing er í Reykjavík.

2. gr.

Stofnfé sjóðsins er gjöf frá Tryggingu hf., kr. 250 000, það fé sem safnast hefur með sérstöku átaki tengdu Norrænu gigtarári 1992 kr. 2 007 249 og það sem fyrir var í sjóði.

Gjafir og önnur framlög í sjóðinn skulu leggjast við höfuðstólinn.

3. gr.

Tilgangur sjóðsins er að efla rannsóknir og þróun vísinda innan gigtsjúkdómafræðinnar.

4. gr.

Vísindaráð Gigtarfélags Íslands fer með stjórn sjóðsins. Ráðið fer með málefni sjóðsins og tekur ákvörðun um úthlutun. Umsóknir skulu studdar greinargerð um markmið og framkvæmd verkefnis og tekur ráðið ákvörðun um afgreiðslu þeirra. Ráðið skal halda sérstaka gerðabók um alla starfsemi sjóðsins.

5. gr.

Árlega úthlutar stjórn sjóðsins styrkjum, í fyrsta sinn 1993. Stjórn sjóðsins er þó heimilt að fella niður úthlutun að hluta eða öllu leyti, enda sé sú ákvörðun rökstudd í gerðabók sjóðsins.

6. gr.

Höfuðstóll sjóðsins er stofnframlag og aðrar tekjur skv. 2. gr. eins og þær eru bókfærðar í árslok hverju sinni. Stjórninni er skylt að ávaxta fjármuni sjóðsins á sem hagkvæmasta hátt. Ekki má skerða höfuðstólinn við úthlutun styrkja. Falli úthlutun úr sjóðnum niður, sbr. 5. gr., er stjórn sjóðsins heimilt að ráðstafa þeirri upphæð við næstu úthlutun eða leggja hana að öðrum kosti við höfuðstólinn.

7. gr.

Reikningsár sjóðsins er almanaksárið. Löggiltur endurskoðandi Gigtarfélags Íslands endurskoðar reikninga sjóðsins og áritar þá. Endurskoðaðir reikningar skulu lagðir fyrir aðalfund Gigtarfélags Íslands ár hvert.

8. gr.

Samþykkt meirihluta stjórnar sjóðsins þarf til þess að breyta megi skipulagsskrá þessari. Bera skal breytinguna undir stjórnarfund Gigtarfélags Íslands og nægir einfaldur meirihluti fundarmanna.

Verði sjóðurinn lagður niður rennur fé hans til Gigtarfélags Íslands.

9. gr.

Leita skal staðfestingar dómsmálaráðherra á skipulagsskrá þessari.

Reykjavík, 26. janúar 1993.

Í stjórn Gigtarfélags Íslands:

Sveinn Indriðason.

Árni Jónsson.

Laufey Karlsdóttir.

Jón Þorsteinsson.

Frosti Jóhannsson.

Sigríður Gunnarsdóttir.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 10. mars 1993.

F. h. r.

Jón Thors.

Margrét Hauksdóttir.

REGLUGERÐ

um breyting á reglugerð nr. 429, 8. desember 1992, um fyrirkomulag eftirlits með sjávarafurðum.

1. gr.

Í stað orðanna „1. apríl 1993“ í II. ákvæði til bráðabirgða í reglugerðinni komi orðin „1. maí 1993“.

2. gr.

Reglugerð þessi öðlast þegar gildi.

Sjávarútvegsráðuneytið, 23. mars 1993.

Þorsteinn Pálsson.

Árni Kolbeinsson.